

Omladinska banka Tuzla



Omladinska banka Tuzla

OMLADINSKA BANKA JE OMLADINSKI PROJEKAT FONDACIJE TUZLANSKE ZAJEDNICE

Omladinska banka Tuzla, kao projekat Fondacije tuzlanske zajednice, dva puta godišnje daje priliku omladinskim grupama da dobiju sredstva za realizaciju svojih ideja s ciljem poboljšanja društvenog života mladih i na taj način promoviše aktivizam i volonterizam u našoj zajednici.

Teme / projekti koje Omladinska banka Tuzla podržava su oni koji se tiču:

1. Ekologije
2. Kulturnih dešavanja
3. Sportskih aktivnosti
4. Edukacije (formalne i neformalne)
5. Prevencije oboljenja, zdravlja
6. Zabavno-društvenih sadržaja
7. Prevencije (aids, nasilje, narkomanija...)
8. Sigurnosti mladih
9. Poboljšanja društvenog života mladih

Kriteriji Omladinske banke Tuzla

1. Aplikirati mogu formalne i neformalne grupe 3+ člana
 2. Maksimalan iznos granta je do 700 KM
 3. Projekat vode mladi u rasponu godina od 14 do 28
 4. Projekat je zasnovan na promociji aktivizma i volonterizma
 5. Projekat se realizuje na području Opštine Tuzla
 6. Projekat je za dobrobit lokalne zajednice
 7. Neće biti podržani projekti koji donose ličnu korist aplikantima
- Neće biti podržani projekti u kojima nije primjetno učešće Omladinske banke Tuzla

Odbor Omladinske banke 2007/2008 su:

Adisa Zahirović, Adna Husagić, Almina Mahmutović, Amel Fejzić, Amela Bošnjak, Asja Muharemagić, Azira Muminović, Azra Bašić, Azur Ramić, Dejan Popović, Edin Šerifović, Edina Haračić, Emina Hukić, Enisa Čeliković, Ibrahim Jahić, Indir Bekić, Jasmin Brkić, Jasmina Đugić, Maida Gosić, Medina Kostjerevac, Mehdina Jakupović, Meliha Ikanović, Mirela Panjić, Mirna Jerković, Muamer Muhamedbegović, Raisa Ćirak, Sanela Hukić, Sanela Karić, Sedina Avdihodžić, Sena Škrbo, Tarik Salihović, Zerina Brkić, Zlatan Sadiković.

U prvom aplikacionom krugu koji je zvanično bio otvoren od 03.03.2008. godine a zatvoren 04.04.2008. godine, ukupno je bilo prijavljeno 18 projektnih prijedloga različitih formalnih i neformalnih grupa mladih sa područja Grada Tuzle.

Odbor Omladinske banke Tuzla kojeg čine mladi ljudi u rasponu godina od 15 do 20 je nakon procesa predselekcije i intervju-a donio konačnu odluku da Omladinska banka podrži 10 projekata mladih u ukupnom iznosu od 4000,00 KM. Dva projekta nisu realizovana, te su grupe vratila novčana sredstva.


Projekti koji su odobreni se najviše odnose na jačanje aktivizma i volonterizma mladih ljudi kroz adaptaciju prostorija, osposobljavanje sportskih terena, organizovanjem edukativnih kurseva ili pozorišnih predstava.

Projekat Omladinske banke Tuzla finansijski podržava Fondacija tuzlanske zajednice kao svoj Omladinski projekat, na način da pronalazi donatore kao što su Općina Tuzla, Dumfries&Galloway Action iz Škotske, Freudenberg Stiftung, CS Mott foundation.

O pobjedničkim projektima

Na dan 24.04.2008. godine izvršena je promocija pristiglih ideja i nosilaca projekata koji su u Prvom aplikacionom krugu u 2008. osvojili grant sredstva. Na isti dan izvršeno je i potpisivanje ugovora između grupa sa jedne strane i Fondacije tuzlanske zajednice/Omladinske banke Tuzla sa druge strane. Na svečanoj promociji i potpisivanju ugovora želja nam je bila stvoriti jaku mrežu mladih osoba koje će sutra biti nosioci promotivnih aktivnosti Omladinske banke Tuzla.

U narednom tekstu ćemo dati opis projekata koji su dobili grant sredstva u Prvom aplikacionom krugu 2008. godine:



1.


Naziv projekta: Godišnjak

Nosioci projekta: Novinarska sekcija OŠ Kreka

Oblast: Edukacija/Obrazovanje

Odobreni iznos: 340,00 KM

Vrijeme implementacije projekta: april – jun 2008.



Opis realizacije projekta: Novinarska sekcija OŠ Kreka je u periodu april-jun 2008.godine izvršila pripremu tekstova i fotografija s ciljem izdavanja prvog godišnjaka OŠ Kreka. Svakako da je ovaj projekat doprinjeo jačanju kapaciteta mladih iz oblasti novinarstva, uz pomoć nastavnice kao mentora grupe jer su sve potrebne radove realizovali radeći zajedno. Na osnovu sredstava Omladinske banke Tuzla ukupno je podijeljeno 226 primjeraka učenicima bez naplate. Omladinska banka Tuzla na ovaj način je direktno promovisala aktivizam mladih, radila na jačanju kapaciteta učenika i svakako doprinjela stvaranju traga o radu škole.

2.

Naziv projekta: Snimanje kratkog filma "5. Lična"

Nosioci projekta: Su Lee produkcija

Oblast: Edukacija/Umjetnost

Odobreni iznos: 600,00 KM

Vrijeme implementacije projekta: maj – septembar 2008.

Opis realizacije projekta: U ovom projektu mogao se vidjeti istinski aktivizam mladih u zajednici. Naime, prezentovana je jedna realna i istinita priča iz zajednice. Priča govori o momku Tariku, koji je veliki košarkaški talenat. U vezi se ja djevojkom Leilom, a najbolji prijatelj mu je Damir. Tarik, koji nikada nije pio alkohol, na nagovor djevojke na proslavi popije alkoholno piće i doživi saobraćajnu nesreću te ostane vječito paralizovan. Nakon vremena provedenog u depresiji, mladi Tarik odlučuje da nastavi živjeti i nalazi se u slikanju. Mladi ljudi koji su vodili ovaj projekat žele poručiti da nikada ne odustajete bez obzira u kakvoj neugodnoj životnoj situaciji se našli.



3.

Naziv projekta: Aktivni mladi

Nosioci projekta: Učenici Gimnazije Meša Selimović

Oblast: Neformalna edukacija/Prevenција nasilja

Odobreni iznos: 200,00 KM

Vrijeme implementacije projekta: maj – novembar 2008.



Opis realizacije projekta: U realizaciji ovog projekta učestvovalo je preko 300 mladih osoba, jer je nekoliko razreda /3. i 4./ prošlo kroz radionice o nasilju. Radionice su realizovane u sklopu časova odjeljenske zajednice. U sklopu projekta je realizovano 15 radionica i to sa temom "Antirat", "Učionica-škola-zajednica bez nasilja", "Prevenција nasilja među vršnjacima". Sam cilj interaktivnih radionica bio je podstaknuti mlade ljude da razmišljanji o miru i nenasilju kao jedinoj alternativi. Ovaj edukativni projekat je imao za ciljanu skupinu mlade ljude u dobi tinejdžerstva, u dobi kada se već stvara način razmišljanja i kreiraju mišljenja.

4.

Naziv projekta: Recycle

Nosioci projekta: Urbana kultura

Oblast: Zabavno-društveni sadržaji

Odobreni iznos: 400,00 KM

Vrijeme implementacije projekta: maj – novembar 2008.

Opis realizacije projekta: U sklopu realizacije projekta Recycle održane su dvije najznačajnije aktivnosti. Naime, obje aktivnosti su svakako bile vezane za čistoću i recikliranje iskoristivog materijala. Naime, prva aktivnost bila je akcija čišćenja na Slanoj Banju gdje su aktivisti i članovi Urbane kulture izvršili čišćenje pomenute lokacije ali isto tako sakupili iskoristivi materijal koji je bio potreban za drugu aktivnost u projektu. Naime, druga aktivnost projekta bila je set kreativnih radionica na kojima su mladi mogli izražavati svoju kreativnost. Održano je preko 10 kreativnih radionica. Konkretni rezultat ovih radionica, u vidu nakita, još uvijek se može vidjeti u Kući plamena mira, gdje je dio radionica bio izvođen.



5.

Naziv projekta: Mala soba 3 sa 3

Nosioci projekta: Odred izviđača KRIN Tuzla

Oblast: Poboljšanje društvenog života mladih

Odobreni iznos: 220,00 KM

Vrijeme implementacije projekta: august – oktobar 2008.



Opis realizacije projekta: “Mala soba 3 sa 3”, je omladinski projekat Odreda izviđača KRIN Tuzla kojim su članovi ovog udruženja željeli urediti prostorije Doma izviđača i pretvoriti ih u prostor za kreativne i edukativne radionice. Naime, nakon uređenja, krečenja u boje Odreda te prostiranje novog itisona, stvorili su se preduslovi da se ova prostorija može smatrati prostorom za rad sa djecom. U realizaciji ovog projekta učestvovalo je preko 30 mladih. Naime, adaptacija ovih prostorija je omogućila da i druge omladinske organizacije koriste ove prostorije za svoje sastanke, kao što su ProBosanska kulturna organizacija i Pokret mladih Oko.

6.

Naziv projekta: A fest

Nosioci projekta: Klapa de Zbrks

Oblast: Umjetnost

Odobreni iznos: 500,00 KM

Vrijeme implementacije projekta: juni – septembar 2008.

Opis realizacije projekta: U pet dana koliko je trajao A fest, festival amaterskog filma, prikazano je preko 40 amaterskih kratkih filmova. Filmovi su se prikazivani iz različitih žanrova od komedije, trasha, trilera do dokumentaraca. Projekat je realizovan u saradnji sa UG Kuća plamena mira, te je u njihovim prostorijama i vršena projekcija filmova. Pored toga značajno je reći da je pored Fondacije tuzlanske zajednice/Omladinske banke Tuzla aktivno učesće u implemntaciji projekta uzela Općina Tuzla kao i RTV TK. Ovaj festival je drugi po redu, te aplikanti smatraju da bi isti trebao preći u tradiciju jer odgovara na potrebe mladih koji se bave snimanjem amaterskih filmova, kao i onih koji ove filmove vole gledati.



7.

Naziv projekta: Urban Art

Nosioci projekta: Grafiteri

Oblast: Umjetnost/Zabavno-društveni sadržaj

Odobreni iznos: 350,00 KM

Vrijeme implementacije projekta: maj – jun 2008.



Opis realizacije projekta: Dana 23. i 24. maja 2008. godine na sportskim terenima na Brčanskoj Malti (Grbavica) okupili su se mladi kako bi svojim umjetničkim sposobnostima oslikali zid, a ujedno se zabavljali i družili. Učestvovalo je jedanaest mladih ljudi, od čega sedam njih iz Tuzle a četvero iz Milana /Italija/. Pored toga, veliki broj mladih je posjetilo ovaj događaj i na taj način se upoznalo sa osnovnim tehnikama crtanja grafita. Naime, cilj projekta je bio omasoviti ovaj vid umjetnosti i popularizovati ga među mladima.

8.

Naziv projekta: Predstava CRVENA

Nosioci projekta: ProBosanska kulturna organizacija Tuzla

Oblast: Kulturna dešavanja

Odobreni iznos: 350,00 KM

Vrijeme implementacije projekta: maj – septembar 2008.

Opis realizacije projekta:

U okviru ovog projekta članovi aplikantske organizacije su realizovali predstavu CRVENA. Predstava na zanimljiv, kabaretski način, govori o ženama i muškarcima, vezi, abortusu, ljubavi, seksu i uopće pojmu muškog i ženskog. Predstava zauzima neke kontraverzne stavove o ovim temama i želi na brutalno otvoren način pokazati dobre i loše strane samog čina abortusa, koji je i osnovna tema teksta. Napisana je kao tragikomedija, izvedena u Beogradu i Tuzli, kao najveća trač partija prikazana na sceni bilo kojeg teatra. Tri djevojke, u posjeti ginekologu, raspravljaju o svemu i svačemu, ne bježeći od toga da podjednako izvrijeđaju i žene i muškarce. Inače, glavna ideja je upravo taj odnos žene i muškarca, ženska ravnopravnost u odnosu na tzv “jači” spol koji je u današnje vrijeme ozbiljno narušen (Riječi aplikanta!)

Na premijeri predstave koja je održana u Teatru kabare bilo je prisutno oko 250 posjetilaca.

***Budite i Vi aktivni! Pospješite život mladih i Vaše zajednice!
Promovišite i Vi Omladinsku banku Tuzla***